

1. Ուզում եմ Հոգով ես ապրել,
 Բայց կոտորած են սիրտս ու հոգիս,
 Հոգուս փափագն է՝ Աստծուն սիրել
 Մաքուր սրտով ու ամբողջ կյանքով:

Իմ անգին, իմ թանկագին,
 Դու ես կյանքիս Փրկիչը, Տերը,
 Չեմ մոռանա ես երբեք Քո սերը,
 Կնվիրեմ Քեզ իմ երգերը,
 Քոնն են սիրտս ու հոգիս,
 Դու ես Տերը իմ:

2. Ընտրել եմ Քեզ՝ Փրկիչ ու Տեր,
 Հիսուս Քրիստոս, Աստծո Որդի,
 Քեզ եմ նվիրում սիրտս ու հոգիս
 Եվ այն ամենը, որ տվել ես ինձ:

3. Բայց ես հավետ ընտրել եմ Քեզ՝
 Կյանքիս Փրկիչ ու հոգուս Տեր,
 Հոգիս ցնծում է, ուրախ եմ միշտ,
 Ո՛վ կարող է ինձ զրկել Քեզնից: